

## FRAMLEGG NY REVIDERING AV VEDTEKTENE FOR GOL BARNEHAGE - KOMMUNALE BARNEHAGENE I GOL

	Vedtak i Gol kommunestyre: sak 27/96, sak 61/00, sak 82/01, sak 41/04, sak 4/06, sak 7/08, sak 60/09, sak 63/15, sak 14/19
1: EIGAR	Gol kommune er eigar av dei kommunale barnehagane og ansvarleg for drifta.
2: FORVALTNING	<p>Barnehagane skal drivast i samsvar med "Lov om barnehagar med føresegner" og retningslinjer som departementet fastset. Likeins skal dei drivast i samsvar med kommunale vedtak og planar for barnehagen.</p> <p>Utval for kultur og levekår (UKL) har det politiske ansvaret for barnehagane i kommunen, og er godkjenningssmyndig for nye barnehagar. Sekretariatet er lagt til Gol barnehage.</p> <p>Endring av vedtektene for Gol barnehage (dei kommunale barnehagane) kan vedtakast av UKL. Større endringar og prinsipielle endringar skal leggjast fram for kommunestyret.</p>
3. FORMÅL OG INNHOLD	<p>Barnehagen skal i samarbeid og forståing med heimen ivareta barna sitt behov for omsorg og leik, fremme læring og danning som grunnlag for allsidig utvikling. Barnehagen skal bygge på grunnleggjande verdiar i kristen og humanistisk arv og tradisjon.</p> <p>Barna skal få utfalde skaparglede, undring og utforskartrøng. Dei skal lære å ta vare på seg sjølv, kvarandre og naturen. Barna skal utvikle grunnleggjande kunnskap og ferdigheiter. Dei skal ha rett til medverknad tilpassa alder og føresetnader. Barnehagen skal møte barna med tillit og respekt, og anerkjenne barndommen sin eigenverdi. Den skal bidra til trivsel og glede i leik og læring, og vere ein utfordrande og trygg stad for fellesskap og vennskap. Barnehagen skal fremje demokrati og likestilling og motarbeide alle former for diskriminering. Jf. §1 i barnehagelova.</p> <p>Barnehagen skal vere ein pedagogisk verksemd, og skal gje barn moglegheit for leik, livsutfolding og meningsfylte opplevingar og aktivitetar. Departementet fastsett nærare reglar om barnehagen sitt innhald og oppgåver (rammeplan) ved forskrift. Barnehagen sin eigar kan tilpasse rammeplan til lokale forhold. Med utgangspunkt i rammeplan for barnehagen skal samarbeidsutvalet for kvar barnehage fastsette ein årsplan for den pedagogiske verksemda. Jf. § 2 i barnehagelova.</p>
4: FORELDRE RÅD OG SAMARBEIDSUTVAL	I samsvar med barnehagelova § 4 og forskriftene, skal kvar barnehage ha eit foreldreråd og eit samarbeidsutval. Foreldrerådet består av foreldre/føresette til alle barna i kvar barnehage. Gol barnehage har eit felles samarbeidsutval. Samarbeidsutvalet består av to representantar frå foreldre/føresette og to frå tilsette frå kvar avdeling (barnehage) i Gol barnehage, og ein folkevald som representant frå eigar. Foreldre/føresette og tilsette skal vere likt representert.
5: GODKJENNING	<p>Barnehagane er godkjent for barn i alderen 0 - 6 år, dvs. frå 10 månader.</p> <p>Arealnormene for leike- og opphaldsareal: barn over 3 år 4 m<sup>2</sup> per barn , og barn under 3 år 6 m<sup>2</sup> per barn.</p> <p>Uteområde skal vere seks gonger leike- og opphaldsarealet inne.</p> <p>Krava vert å sjå på som minimumskrav.</p> <p>Administrasjon i Gol barnehage vurderer ved kvart opptak den praktiske</p>

	arealutnyttinga. Omsynet til t.d. barn med nedsett funksjonsevne og talet på barn over og under 3 år skal vera med i ei slik vurdering.
6: OPNINGSTIDER	<p>Barnehagane er heildagsbarnehagar som er i drift heile året, og opne 5 dagar i veka. Sjå pkt 14 Ferie for nokre unntak.</p> <p>Opningstid: normal opningstid er frå kl. 07.30 - 16.30.</p> <p>Opningstidene kan endrast i samsvar med endra behov og driftsformer. Foreldre/føresette kan ved behov normalt søkje om utvida opningstid frå kl. 07.00 og/eller til 17.00 ved hus med fleire avdelingar. Hus med ei avdeling kan berre utvide med totalt ein halv time. Det søkjast på eige skjema.</p>
7: PLASSTILBOD	<p>Gol barnehage har følgjande tilbod om plass:</p> <ul style="list-style-type: none"> <li>- 3, 4 eller 5 dagar per veke</li> <li>- ved deltidsplass må det veljast faste dagar for heile året</li> <li>- leiar for den einskilde barnehage avgjer om det skal gjevast tilbod om byte av enkelt dagar; føresetnad at tal på barn per dag ikkje overstig gjeldande bemanningsnorm</li> <li>- plass vert tildelt etter gjeldande opptakskriterium, jf. pkt 9.</li> </ul>
8: SØKNAD OM BARNEHAGEPLASS	<p>Det skal nyttast elektronisk søknad ved både ny og endra barnehageplass. Elektronisk søknadsskjema ligg på Gol kommune si heimeside.</p> <p>Fristen for å søkje om plass i samband med hovudopptaket er 1. mars, etter føreutgåande kunngjering i lokalpressa med normalt start frå 15. august.</p>
9: OPPTAK OG OPPTAKSKRITERIUM	<p>Opptaket skal handsamast i samsvar med gjeldande rutinar, lover og forskrifter. Opptaket er eit administrativt ansvar lagt til rådmann.</p> <p>Vedtaksmynde er ved administrativ delegasjon lagt til avdelingsleiar for Gol barnehage.</p> <p>Ved start i barnehage må søkjaren normalt vere busett i Gol kommune. Opptakskrinsen er Gol kommune, men der søkjarane står likt kan butilhøyring bli vektlagt.</p> <p>Gol kommune har eit hovudopptak jf. barnehagelova. I tillegg har Gol kommune løpande opptak for dei som søkjar barnehageplass elles i året: alle har rett til barnehageplass seinast 2 månadar etter dato for ynskja start på søknadsskjema.</p> <p>Ved opptak vert følgjande kriterium lagt til grunn for prioritet:</p> <ol style="list-style-type: none"> <li>1. Barn med nedsett funksjonsevne og /eller barn det er fatta vedtak om etter lov om barneverntenester, jf. barnehagelova §13. Barn med andre spesielle behov (språkvanskar, åtferdsvanskar m.m.) eller heimar med sjukdom, nedsett funksjonsevne m.m.. Begge tilhøve krev skriftleg uttale frå fagperson.</li> <li>2. Barn som det blir søkt endra plass for, og barn som har søsken i barnehagen frå før.</li> <li>3. Minoritetsspråklege.</li> <li>4. Barn til einslege forsørgjarar; totalsituasjonen må vurderast.</li> <li>5. Barn det søkjast plass for dei to siste åra før skulestart, generelt vil eldre barn prioriterast før yngre barn når dei elles står likt.</li> </ol> <p>Ved fordeling av plass til barna skal ein ved val av barnehage i tillegg legge vekt på: Tilnærma lik fordeling på alder, og anna omsyn til samansetting av barnegruppa i den enkelte barnehage vert tatt omsyn til så langt det er mogeleg.</p>
10: KLAGE PÅ OPPTAK	<p>Det er høve til å klage på vedtaket innan tre veker frå den tid foreldra/føresette er gjort kjend med tildelinga. Kommunen si klagenemnd er klageorgan jf. forskrift. Viser elles til forskrift om saksbehandlingsregler for opptak i barnehage.</p>

<p>11: FORELDREBETALING</p>	<p>Kommunestyret fastset satsar for foreldrebetaling etter gjeldande lover og forskrifter, visar til betalingsregelement for Gol barnehage på kommunen si heimeside.</p> <p>Føresette må betale for heile barnehageåret.</p> <p>Det vert sendt ut rekning for 11 månader. Juli er fri betaling som kompensasjon for 4 veker ferie.</p> <p>Reduksjon i betalinga i halve eller heile månader gis ved samanhengande fråvær grunna sjukdom. Legeattest må leggjast ved søknad om refusjon.</p> <p>Ved for sein henting i barnehagen, må det betalast eit fast gebyr etter skriftleg åtvaring for kvar påbegynt time.</p> <p>Satsane blir justerte i takt med betalingsattsane.</p> <p>Ved manglande foreldrebetaling i meir enn 2 månader, vert det sendt varsel om oppseiing av plassen.</p>
<p>12: BARNEHAGEÅR</p>	<p>Nytt barnehageår startar 15. august og avsluttast 14. august, for skulestartane avsluttast barnehageåret 1. august/eller ut veke 31.</p> <p>Normalt må plassen for nye søkjarar takast i bruk innan slutten av august. Elles visast til barnehagelova § 12 om rett til plass i barnehage.</p>
<p>13: OPPSEIING</p>	<p>Oppseiing av barnehageplassen, også delar av plassen, skal skje med ein månad varsel frå den 1. eller 15. i månaden. Oppseiinga skal gjerast elektronisk via heimesida til kommunen.</p> <p>Ved hovudopptak på våren er det 3 månaders oppseiingstid for dei som likevel ikkje ynskjer å nytte plassen. Det gjeld ikkje endring av dagar/plass.</p> <p>Barnehageplassen vert automatisk sagt opp når barnet skal byrje på skulen.</p>
<p>14: FERIE</p>	<p>Barna må ta ut 4 veker ferie i løpet av året.</p> <p>Barnehagane er stengt juleftan og nyttårseftan og dagane mellom jul og nyttår og mellom palmesundag og skjærtorsdag i påskeveka. Dette utgjer til saman ei ferieveke.</p> <p>Gol barnehage gjev eit tilbod til barn og føresette heile sommaren, men kvart barn skal ta 3 veker samanhengande ferie mellom 20. juni (skuleslutt) og 14. august (1. august/veke 31 for skulestartarane). Melding om sommarferie skal meldast barnehagen skriftleg innan 1. april.</p> <p>I sommarferien vil normalt barnehagehusa vere opne avhengig av tal på barn. Dei barna som ikkje har ferie, får tilbod om plass der det er opent. Foreldra får melding om samanslåing seinast 1. juni. Personalet skal ordne ferieavviklinga slik at det til kvar tid er personell til stades til forsvarleg drift.</p>
<p>15: PLANLEGGINGSDAGAR</p>	<p>Barnehagen skal i løpet av eit barnehageår ha fem planleggingsdagar. Barnehagen heldt stengt desse dagane.</p> <p>Plassering av planleggingsdagane blir fastsett av personalet, foreldre og samarbeidsutvalet for barnehagen. Ved usemje blir plasseringa avgjort av Utval for kultur og levekår. Planleggingsdagane tel ikkje som ferie.</p>
<p>16: FRAMMØTE/ FRÅVÆR</p>	<p>Barna skal ha følgje til og frå barnehagen, og det skal gjevast melding til personalet om at dei er komne/henta. Ved avvik frå normalt frammøte/fråvær skal barnehagen ha melding på førehand.</p> <p>Dersom andre enn den/dei som har dagleg omsorg for barnet hentar i barnehagen, skal det på førehand gjevast melding til barnehagen.</p>

17: POLITIATTEST	Dei som skal arbeide eller ha praksis i samband med utdanning i barnehage må leggje fram tilfredstillande politiattest jf. § 19 og Forskrift om politiattest i høve barnehagelova. Attesten skal m.a. vise om vedkommande er sikta, tiltalt eller dømt for seksuelle overgrep mot barn.
18: TEIEPLIKT	Alle som arbeidar i barnehagen har teieplikt i alle tilhøve vedkommande barna og deira heimemiljø jf. Forvaltningslova § 13 og barnehagelova § 20. Dette gjeld også vikarar, lærlingar, studentar eller andre som er tilstade i barnehagen.
19: OPPLYSNINGSPLIKT	Alle som arbeidar i barnehage skal vere merksam på forhold som kan føre til tiltak frå sosial- og barnevenstenesta. Dei tilsette har plikt til av eiga tiltak å melde frå om slike saker jf. §§ 21 og 22 i barnehagelova.
20: HELSEKONTROLL	<p>Helsetilsyn skjer i samsvar med § 23 i barnehagelova.</p> <p>Det skal leggst fram erklæring om barnet si helse før det begynner i barnehagen. Foreldra skal seie frå til personalet i barnehagen dersom barnet/barna har fått ein smittsam sjukdom. Ved mistanke om hovudlus skal personalet kontakte helsestasjonen.</p> <p>Tilsette i barnehage har plikt til å gjennomgå tuberkulosekontroll jf. gjeldande regelverk.</p>
21: INTERNKONTROLL OG TILSYN	<p>Barnehagane er ein del av Gol kommune sitt internkontrollsystem.</p> <p>Kommunen kan føre tilsyn med kvart barnehagehus jf. § 16 i barnehagelova.</p>